



Na osnovu člana 24. stav (3) Zakona o državnoj službi u Federaciji Bosne i Hercegovine ("Službene novine Federacije BiH", br. 29/03, 23/04, 39/04, 54/04, 67/05, 8/06, 4/12, 99/15 i 9/17 – Presuda Ustavnog suda Federacije Bosne i Hercegovine broj: U-13/16) a u vezi člana 1. Uredbe o primjeni Zakona o državnoj službi u Federaciji Bosne i Hercegovine u Hercegovačko-neretvanskom kantonu („Službene novine HNK“, br: 1/12 i 1/14) i člana 5. Pravilnika o pravilima i postupku provedbe javnog konkursa i postavljenja državnih službenika u organima državne službe Federacije Bosne i Hercegovine ("Službene novine Federacije BiH", broj 13/19), a na zahtjev Grada Mostara, Agencija za državnu službu Federacije BiH, objavljuje

JAVNI KONKURS za popunu radnih mjesta državnih službenika u Gradu Mostaru

Radna mjesta:

- 01. Stručni saradnik za građevinske propise (građevinske struke) - Odjel za urbanizam i građenje – Služba za građevinske propise - 1 (jedan) izvršilac**
- 02. Viši stručni saradnik za održavanje zelenila na javnim gradskim površinama – Odjel za gospodarstvo, komunalne i inspekcijske poslove – Služba za komunalne poslove i okoliš – 1 (jedan) izvršilac**
- 03. Viši stručni saradnik za održavanje cesta, ulica i javnih površina – Odjel za gospodarstvo, komunalne i inspekcijske poslove – Služba za komunalne poslove i okoliš – 1 (jedan) izvršilac**
- 04. Stručni saradnik za urbani mobilijar i dekoraciju - Odjel za gospodarstvo, komunalne i inspekcijske poslove – Služba za komunalne poslove i okoliš – 1 (jedan) izvršilac**
- 05. Urbanističko-građevinski inspektor – Služba za inspekcijske poslove – 1 (jedan) izvršilac**

01. Opis poslova: prati i primjenjuje građevinske propise; daje-izrađuje stručna tehnička mišljenja (urbanističkotehničke uslove); vrši pregled i ovjerava tehničku dokumentaciju; vrši obračun naknade za pogodnosti (renta) i naknade za uređenje građevinskog zemljišta; daje stručna mišljenja; izrađuje informacije, analize i izvještaje iz ove oblasti; obavlja i druge poslove po nalogu šefa službe.

02. Opis poslova: prati stanje i poduzima mjere vezane za održavanje zelenih površina (parkova, izletišta, trim staza, dječijih igrališta, objekata javne higijene, pješačkih staza, travnjaka, drvoreda itd.); poduzima mjere za redovito održavanje grobalja urednim, čistim i sanitarno ispravnim; planira potrebna sredstva za realiziranje planiranih radova; pomaže rad komisije za javne nabavke; priprema ugovor s izabranim ponuđačem; obavlja nadzor, primopredaju i obračun radova; podnosi izvještaj šefu službe; obavlja i druge poslove po nalogu šefa službe.

03. Opis poslova: obavlja poslove vezane za održavanje lokalnih i nekategoriziranih cesta i ulica u naseljima, uključujući i pločnike, pješačke i biciklističke staze, trgove i javna parkirališta; utvrđuje dinamiku održavanja; priprema specifikaciju potrebnih radova i usluga; priprema ugovore; vrši nadzor, kontrolu i obračun izvršenih radova; prati i proučava stanje u oblasti i daje prijedloge za poduzimanje odgovarajućih mjera; izrađuje analize, izvještaje; obavlja i druge poslove po nalogu šefa službe.

04. Opis poslova: sačinjava prijedloge programa postavljanja i održavanja urbanog mobilijara, te priprema specifikaciju potrebnih radova i usluga; vrši nadzor, kontrolu i obračun izvršenih radova; vrši obilazak i prati stanje u oblasti urbanog mobilijara na području Grada; priprema izvještaje i prijedloge za poduzimanje odgovarajućih mjera u cilju poboljšanja stanja u toj oblasti; obavlja i druge poslove po nalogu šefa službe.

05. Opis poslova: vrši inspekcijski nadzor nad provođenjem zakona i drugih propisa koji se odnose na izradu, ostvarivanje i provođenje dokumenata prostornog uređenja, gradnju građevina, rekonstrukciju, sanaciju, upotrebu, održavanje i uklanjanje građevina, kvalitet građevinskih proizvoda, bespravnu gradnju; poduzima, u skladu sa zakonom, pravne i druge mjere radi spriječavanja i otklanjanja nezakonitosti u izvršavanju propisa iz ove oblasti,

Kandidati moraju ispunjavati opće uslove iz člana 25. Zakona o državnoj službu u Federaciji Bosne i Hercegovine:

1. da je državljanin Bosne i Hercegovine;
2. da je stariji od 18 godina;
3. da ima univerzitetsku diplomu ili druge obrazovne ili akademske kvalifikacije najmanje VII stepena stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja, što se utvrđuje propisom kojim se uređuju poslovi osnovne djelatnosti i pomoćno tehnički poslovi i uslov za njihovo obavljanje u organima državne službe u Federaciji Bosne i Hercegovine;
4. da je zdravstveno sposobno za vršenje određenih poslova predviđenih za to radno mjesto;
5. da u posljednje tri godine od dana objavljivanja upražnjenog radnog mjesta osoba nije otpuštena iz državne službe kao rezultat disciplinske mjere na bilo kojem nivou vlasti u Bosni i Hercegovini;
6. da nije obuhvaćeno odredbom člana IX.1. Ustava Bosne i Hercegovine.

Pored općih uslova navedenih u javnom konkursu kandidati moraju ispunjavati i sljedeće posebne uslove, i to za:

Poziciju 01.

- VSS - VII stepen stručne spreme, odnosno visoko obrazovanje prvog (najmanje 180 ECTS bodova), drugog ili trećeg ciklusa bolonjskog sistema studiranja – diploma visokog obrazovanja građevinske struke
- najmanje 1 (jedna) godina radnog staža u struci nakon sticanja VSS
- poznavanje rada na računaru

Poziciju 02.

- VSS-VII stepen stručne spreme, odnosno visoko obrazovanje prvog (najmanje 240 ECTS bodova), drugog ili trećeg ciklusa bolonjskog sistema studiranja – diploma visokog obrazovanja poljoprivredne struke
- najmanje 2 (dvije) godine radnog staža u struci nakon sticanja VSS
- poznavanje rada na računaru

Poziciju 03.

- VSS-VII stepen stručne spreme, odnosno visoko obrazovanje prvog (najmanje 240 ECTS bodova), drugog ili trećeg ciklusa bolonjskog sistema studiranja – diploma visokog obrazovanja građevinske ili prometne struke

- najmanje 2 (dvije) godine radnog staža u struci nakon sticanja VSS
- poznavanje rada na računaru

Poziciju 04.

- VSS-VII stepen stručne spreme, odnosno visoko obrazovanje prvog (najmanje 180 ECTS bodova), drugog ili trećeg ciklusa bolonjskog sistema studiranja – diploma visokog obrazovanja građevinske ili arhitektonske struke
- najmanje 1 (jedna) godina radnog staža u struci nakon sticanja VSS
- poznavanje rada na računaru

Poziciju 05.

- VSS-VII stepen stručne spreme, odnosno visoko obrazovanje prvog (najmanje 240 ECTS bodova), drugog ili trećeg ciklusa bolonjskog sistema studiranja – diploma visokog obrazovanja građevinske ili arhitektonske
- najmanje 5 (pet) godina radnog staža u struci nakon sticanja VSS
- poznavanje rada na računaru

Prijavljivanje-potrebni dokumenti:

1. Kandidati se prijavljuju na javni konkurs dostavljanjem uredno popunjenog prijavnog obrasca Agencije za državnu službu Federacije BiH (može se preuzeti u prostorijama Službe za postavljenja u organima državne službe u Hercegovačko-neretvanskom kantonu, Ante Starčevića b.b., 88000 Mostar, ili na web stranici Agencije za državnu službu Federacije BiH <https://ekonkurs.adsfbih.gov.ba/>)
2. Kandidati koji nisu izuzeti od polaganja ispita općeg znanja dužni su uz prijavu na javni konkurs dostaviti dokaz o radnom stažu u struci nakon sticanja visoke stručne spreme, u skladu sa uslovima iz konkursa (original ili ovjerenu kopiju), na propisanom Obrascu uvjerenja (može se preuzeti u prostorijama Službe za postavljenja u organima državne službe u Hercegovačko-neretvanskom kantonu, Ante Starčevića b.b., 88000 Mostar, ili na web stranici Agencije za državnu službu Federacije BiH <https://ekonkurs.adsfbih.gov.ba/>)
3. Kandidati koji obavljaju poslove namještenika u organu državne službe i koji su stekli visoku stručnu spremu, dužni su uz prijavu na javni konkurs dostaviti sljedeću dokumentaciju (original ili ovjerene kopije):
 - a. fakultetsku diplomu (nostrifikovana diploma, ukoliko fakultet nije završen u BiH ili je diploma stečena u jednoj od država nastalih raspadom SFRJ nakon 6. 4. 1992. godine),
 - b. dokaz da su zaposleni u organu državne službe kao namještenici i dokaz o pet godina radnog iskustva u organima državne službe nakon položenog stručnog ispita za namještenike, izdati nakon objave javnog konkursa,
 - c. dokaz o položenom stručnom ispitu za namještenike u organima državne službe

NAPOMENE ZA KANDIDATE:

O datumu, vremenu i mjestu polaganja ispita općeg znanja i stručnog ispita kandidati će biti obavješteni putem web stranice Agencije, <https://ekonkurs.adsfbih.gov.ba/>
Imena kandidata se ne objavljuju.

Ako kandidat ne pristupi polaganju ispita općeg znanja i/ili stručnog ispita smatrat će se da je odustao od daljnje procedure javnog konkursa.

Kandidate, koji polože stručni ispit (pismeni i intervju), Agencija će pisano obavjestiti o vremenu i načinu dostavljanja dokaza o ispunjavanju uslova javnog konkursa.

Ovjerena fcc diplome o završenom visokom obrazovanju na mjestu ovjere nadležnog

organa mora sadržavati napomenu da izvornik, dakle diploma, sadrži suhi žig koji se na fotokopiji ne vidi. Ovjerene fotokopije diploma moraju sadržavati i potpise ovlaštenih lica.

Agencija može u svakoj fazi procedure javnog konkursa zatražiti od kandidata na uvid originale priloženih kopija dokumenata koji služe u svrhu dokazivanja ispunjavanja uslova javnog konkursa. Ukoliko pozvani kandidat ne postupi po zahtjevu Agencije za provjeru izvornosti dostavljenih ovjerenih fotokopija dokumenata, bit će isključen iz konkursne procedure.

Istovremeno sa dostavom dokaza o ispunjavanju uslova javnog konkursa, kandidat, koji polaže pravo na prioritarno zapošljavanje po osnovu posebnog zakona, dužan je dostaviti i odgovarajuće dokaze o svom statusu u skladu sa propisom na koji se poziva.

Kandidati u javnom konkursu moraju ispunjavati uslove javnog konkursa sa danom njegove objave, u „Službenim novinama Federacije BiH“ neovisno od toga kada su dokazi zatraženi ili dostavljeni.

Kandidat koji u bilo čemu ne postupi po navodima javnog konkursa biti će isključen iz konkursne procedure bez mogućnosti ponavljanja propuštene radnje.

Prijava, sa potrebnim dokumentima, dostavlja se u roku od 15 dana, od objave javnog konkursa u „Službenim novinama Federacije BiH“, putem pošte, preporučeno na adresu:

Agencija za državnu službu Federacije BiH
Služba za postavljenja u organima državne službe u Hercegovačko-neretvanskom
kantonu, ul. Ante Starčevića b.b. 88 000 Mostar
sa naznakom:
„Javni konkurs za popunu radnih mjesta državnih službenika u Gradu Mostaru,
sa pozivom na broj: 15-30-8-17/24“

DIREKTOR

Refik Begić, magistar uprave